

FORMAS PLUS PROPRIO.....

=====

Joseph Rossello—Ordines in fasciculo praecedente propone forma plus proprio pro praeterito et futuro.

Nullo lingua internationale pote habe vero successu usque discussiones inter sectatores non cessa. Omne sectatore habe suo praeferentias, omne vole vide praevale suo praeferentia, et pugna ~~pro~~ pro illa et retrahere se ab pugna potius quam approba ideas de alios. In isto modo aeterno discussiones impedi progressu et triumpho, solum possibile per unione. Discussiones habe semper ducto et semper duc ad morte projectos de lingua internationale.

Solum simplicitate maximo per abolitione de omne elemento non necessario, et de omne elemento ~~pro~~ non uso in modo aequale in diverso linguas, solum abolitione de grammatica pote obtine approbatione de omnes per sacrificio de omne praeferentia personale.

Desinentias de verbo pro indigatione de tempore non es necessario et quando nos linque omne discussiones super formas non necessario nos ingredi in via que duc ad realizatione et da ad nos magno profectus super omnia alio forma de L.I.

Si nos continua in discussiones grammaticale nos fac opera deleteria ad nostro ideale, nos repelle successu. Libertate es bono re, sed me crede que Academia debe commenda ideas que pote elimina difficultates, facilita et anticipa successu.

UGO BASSO